



Per Rosing Petersen
Inatsisartunut Ilaasortaq, Partii Naleraq

§ 37 naapertorlugu apeqqummut akissut - GUX-imi ilinniartunut siunnersorteqarnermut tunngasoq

30-10-2017
Suliaq nr. 2015 - 16091
Allakkat nr. 6412485

Postboks 1029
3900 Nuuk
Oqarasuaat: +299 34 50 00
Fax.: +299 32 20 73
Email: ikiin@nanoq.gl
www.nanoq.gl

Asasara Per Rosing Petersen,

Inatsisartut suleriaasiat naapertorlugu apeqqummut qjanaq.

Apeqqutigineqartut tullinnguuttuni akissuteqarfigissavakka.

Apeqqut 1: Kalaallit Nunaata sineriaani GU-ni ilinniarnermik siunnersuisartut qanoq ilinniagaqarsima-nersut aamma qanoq pisussaaffeqarnerisut paaserusunnarpoq.


Akissut:

Ilinniarnertuunngorniarni sisamaasuni siunnersortiusartut amerlanertigut ulloq naallugu siunnersortiusartussat atorfeqartitaangillat, ilinniarnertuunngorniarni ataasiakkaani suliassanik allanik suliaqartussat aamma atorfeqartitaallutik. Siunnersuisartut aamma ilinniartitsinermik suliaqartuusut kandidatit allagartaqanngikkunik ilinniarnermik ingerlatsipput ilinniarnertuunngorniarni (GUX) ilinniartitsisut sulisussanut piumasariqartut nalinginnaasut qulakkeernissaat siunertaralugit.

Siunnersuisarnerup aamma/imaluunniit sungiusaasuunerup iluini ataatsimut ilinniartitsinerit pikkorissartitsinerilluunniit siunnersuisartut suliassaraat. Siunnersuisartut amerlanngitsut siunnersuinermik aamma/imaluunniit sungiusaasuunermik ilinniagaqanngitsut siunnersuisartut suliaqarnermik aatsaat misiliisarput, taamaalillutillu kingusinnerusukkat suliassap taassuma iluani ilinniarnissaminnut periarfissaqartarlutik.

Naggasiutigalugulu paasissutissiissutigineqassaaq taaguutit GU, HHX aamma HTX 2012-imi ilinniarnertuunngorniarni pillugit aaqjissuusseqqinnerup atuutilersinnerani atorunnaarsimmata, ullumikkullu ilinniarnertuunngorniarni naatumik GUX-imik taaguuteqarmat.

Inussiarnersumik inuulluaqqusillunga


Doris J. Jensen



partii naleraq

Nuuk ulloq.: 16/10-2017

Inatsisartut inatsisaat § 37 malillugu immikkoortoq 1 naapertorlugu matumuuna Naalakkersuisunut apeqqutit makkua saqqummiukkusuppakka:

Naalakkersuisumut apeqqutit:

- 1. Kalaallit Nunaata sineriaani GU-ni ilinniarnermik siunnersuisartut qanoq ilinniagaqarsima-nersut aamma qanoq pisussaaffeqarnersut paaserusunnarpoq.**

(Inatsisartuni ilaasortaq, Per Rosing-Petersen, Partii Naleraq)

Taamatut apeqquteqarnermi tunngaviginiarneqarpoq Partii Naleraq innuttaasut ilaanniit saaffigineqarsimavoq, GU-mi ilinniartunut siunnersuisartut eqqunngitsumik nassuiaasarsimanagerat naammattoorneqarsimammat. Siunnersuinerlunnerullu kingunerisimagaa ilinniartuuteqartut angajoqqaat aningaasatigut annasaqarsimanerannik.

Neriullunga ullut qulit qaangiutsinnagit apeqquteqaatinga akineqarumaartoq.

Partii Naleraq

Imaneq 1, Postboks 4120, 3900 Nuuk, E-mail.: mfdi@ina.gl Nittartagaq.: www.partiinaleaq.gl
Oqarasuaatit.: +299 34 50 00 Toqqaannartoq.: +299 34 62 51 Angallattagaq.: +299 24 92 67